

# LAWATAN KERJA PEMERINTAH ANGKATAN BERSENJATA DIRAJA BRUNEI KE KEMENTERIAN PERTAHANAN

[airforce.mil.my/berita/acara-rasmi/3206-lawatan-kerja-pemerintah-angkatan-bersenjata-diraja-brunei-ke-kementerian-pertahanan](http://airforce.mil.my/berita/acara-rasmi/3206-lawatan-kerja-pemerintah-angkatan-bersenjata-diraja-brunei-ke-kementerian-pertahanan)

KUALA LUMPUR, 22 Mac 18 – Pemerintah Angkatan Bersenjata Diraja Brunei (ABDB), YM Mej Jen Pengiran Dato Seri Pahlawan Aminan bin Pingiran Haji Mahmud telah mengadakan lawatan rasmi ke Kementerian Pertahanan hari ini dalam rangka lawatan kerja selama tiga hari beliau ke Malaysia.



YM Mej Jen Pengiran Dato Seri Pahlawan Aminan mula memegang jawatan sebagai Pemerintah ABDB mulai 31 Jan 18 selepas memegang jawatan sebagai pemerintah Tentera Darat Diraja Brunei yang ke-9 sejak 1 Dis 14 hingga 31 Jan 18. Beliau juga telah memegang beberapa jawatan sepanjang perkhidmatan termasuk menjadi juruiring tentera kepada Kebawah Duli Yang Maha Mulia Sultan Brunei dari 2007 hingga 2009.



Dalam lawatan ini, YM Mej Jen Pengiran Dato Seri Pahlawan Aminan telah diberi penghormatan memeriksa Kawalan Kehormatan Utama serta diperkenalkan kepada Pegawai-Pegawai Kanan ATM yang berkhidmat di Kementerian Pertahanan.



Turut hadir menyambut kedatangan YM Mej Jen Pengiran Dato Seri Pahlawan Aminan adalah Panglima Tentera Udara, YBhg Jen Tan Sri Dato' Sri Hj Affendi bin Buang TUDM serta Panglima-panglima Perkhidmatan yang lain.



Dalam rangka lawatannya di sini, YM Mej Jen Pengiran Dato Seri Pahlawan Aminan turut melaksanakan kunjungan hormat ke atas rakan sejawatnya iaitu Panglima Angkatan Tentera, YM Jeneral Tan Sri Raja Mohamed Affandi bin Raja Mohamed Noor. Pertemuan dua hala ini dapat mengeratkan lagi kerjasama dari segi diplomatik pertahanan di antara dua Negara.



